



## Concello de Arbo

# BASES DO CONCURSO DE CARTEIS E REDACCIÓN DA "LX FESTA DA LAMPREA": ALUMNOS C.E.I.P ANTONIO CARPINTERO

### 1.- Obxectivo ou Finalidade do concurso:

O Concello de Arbo convoca o concurso de carteis e redacción con motivo da celebración da "LX Festa da Lamprea" que terá lugar os días 24, 25 e 26 de abril de 2020, para os alumnos matriculados no C.E.I.P Antonio Carpintero.

### 2.- Participantes:

Soamente poderán participar os alumnos matriculados no C.E.I.P Antonio Carpintero.

No concurso de carteis participaran tódolos cursos.

No concurso de redacción participan os alumnos de 3º a 6º de primaria.

### 3.- Tema, Característica técnicas, Soporte e Material:

#### A) CARTEIS

Tema: o cartel terá como tema fundamental Arbo, "LX Festa da Lamprea" gastronomía, paisaxe, patrimonio, o Viño, a Lamprea, os Rios Miño, Cea, Deva, etc.

Soporte: Calquera que o concursante considere axeitado.

Material: Lapis de cores, ceras, acuarelas, témperas, collage, etc...

#### B) REDACCIÓN

Tema: A redacción terá como tema fundamental Arbo, "LX Festa da Lamprea" gastronomía, paisaxe, patrimonio, o Viño, a Lamprea, os Rios Miño, Cea, Deva, etc. Terá unha extensión máxima de dous folios escritos por unha cara.

### 4.- Premios e réxime fiscal:

Os premios consistiran en material didáctico, xogos, etc ...





## Concello de Arbo

Os presentes premios configúranse dacordo coa Disposición Adicional 5ª da Lei 38/2003 de dezasete de novembro Xeral de Subvención, e concordante da Lei de Subvencións de Galicia, como axudas en especie.

Establécense os seguintes premios:

### A) CARTEIS

Outorgaranse dous premios por cada un dos cursos de Educación infantil e dous premios por cada un dos cursos de primaria.

### A) REDACCIÓN

Outorgaranse dous premios por cada un dos cursos de 3º a 6º de primaria.

O importe dos premios será sufragado con cargo a aplicación orzamentaria correspondente do exercicio 2020, quedando supeditada a resolución de concesión dos mesmos a existencia de crédito adecuado e suficiente no orzamento do exercicio 2020.

De ser o caso, os premios estarán suxeitos a correspondente retención nos termos previstos na Lei 35/2006 de 28 de novembro reguladora do Imposto sobre a Renda das Persoas Físicas.

É requisito que os nenos e nenas premiados asistan a entrega de premios, que ten lugar no auditorio do centro multiusos durante a Gala da Lamprea.

### 5.- Presentación:

O prazo para a entrega das propostas de carteis finalizará o día 24 de xaneiro de 2020

### 6.- Xurado:

Haberá un xurado composto pola Concelleira de Educación, dous profesores do CEIP Antonio Carpinteiro, un representante da Anpa e un traballador do Concello de Arbo que actuara como secretaria do Xurado e que terá voz e voto, cuxa designación se fará pola Alcaldía, e de cuxas deliberacións e conclusións se deixará constancia na acta que se levantará ao efecto.

Se por calquera circunstancia o xurado non puidese ser o citado anteriormente, o alcalde terá a facultade de nomear outros membros de Asociacións, do ámbito da hostalería..

O xurado valorará especialmente a creatividade, o impacto visual e a súa relación coa filosofía do evento.





## Concello de Arbo

O xurado poderá deixar baleiros os premios se ningunha proposta acada a calidade esixida, ou rexeitar para o concurso aquelas que non se axusten ás bases.

O xurado elevará ao órgano municipal competente a proposta de premios que corresponda outorgar.

### 7.- Traballos presentados

As propostas presentadas ficarán en poder do Concello, podendo facer uso das mesmas para calquera evento que desenvolva, e podendo ser obxecto de exposición ou reprodución por parte do convocante, sen que elo dea dereito a retribución algunha para os concursantes.

O Concello poderá efectuar cantas reproducións precise do cartel que obteña o premio e difundilo, sen que polo seu autor poda evocar dereitos ao respecto, podendo empregar a imaxe completa do cartel ou parte dela para realizar material relacionado coa festa.

Do mesmo xeito, poderá introducir algunha modificación nos carteis premiados se existirá algunha dificultades técnica para a súa impresión ou para introducir algún texto ou logotipo quen non figure inicialmente nas bases.

### 8.- Publicidade:

A convocatoria deste concurso e as súas bases, así como os sucesivos anuncios relativos ao concurso publicaranse no Taboleiro de Anuncios do Concello.

### 9.- Normas en materia de Protección de datos:

Os datos persoais que os participantes ou gañadores do presente concurso faciliten para a participación no mesmo e no seu caso, para o adecuado desenvolvemento do concurso, serán tratados, na súa condición de responsable, polo Concello de Arbo.

A lexitimación para o tratamento dos datos é o cumprimento dunha misión realizada en interese público ou no exercicio de poderes públicos conferidos ao responsable do tratamento en base á Lei 7/1985, de 2 de abril, Reguladora das Bases do Réxime Local, e á Lei 38/2003, de 17 de novembro, xeral de subvencións, e Lei 9/2007, de 13 de xuño, de subvencións de Galicia.

Os datos persoais proporcionados polos participantes e gañadores do concurso serán tratados coa finalidade de levar a cabo a tramitación xeral do presente procedemento de concorrencia (concurso) e o desenvolvemento das prestacións derivadas do mesmo, polo que se conservarán mentres sexan necesarios para as ditas finalidades, e, en todo caso, durante os prazos establecidos pola lexislación vixente.





## Concello de Arbo

Do mesmo xeito, determinados datos poderán ser publicados, nos termos previstos na lexislación vixente, a través de medios comunicación institucionais como Boletíns ou Diarios Oficiais, páxinas web ou taboleiros de anuncios, coa finalidade de dar a publicidade legalmente esixidas ao procedemento.

As persoas interesadas poderán acceder, rectificar e suprimir os seus datos, así como exercitar outros dereitos ou revogar o consentimento segundo o previsto na sede electrónica do Concello de Arbo (<https://concellodearbo.sedelectronica.gal>)

De igual forma poderán poñerse en contacto coa persoa delegada de protección de datos e obter información adicional segundo o especificado no portal web.

### 10.- Normas finais:

O feito de participar no concurso implica o coñecemento e aceptación por todos os concursantes das presentes bases.

Os órganos competentes, en cada caso, quedarán facultados para resolver as dúbidas que se presenten e tomar os acordos necesarios para a boa orde do concurso, en todo o non previsto nestas bases.

O Alcalde. Horacio Gil Expósito. Sinatura Electrónica

